



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Rebus Bohemicis Liber Singvlaris

Le Mire, Aubert

Lvgdvni, 1621

Maximiliani Bauariae Ducis Epistola ad Paulum V. Pontificem Max. de victoria Pragensi anno 1620. parta. Cap. XIII.

urn:nbn:de:hbz:466:1-11069

Saxo Lusatiam. Hungari, cum suo
Gabore, pro genio gentis, vltimi in
rebellione perstiterunt.

C A P V T XIII.

*Maximiliani Bauariæ Ducis Epi-
stola ad Paulum V. Pont. Max.
de victoria Pragensi
an. 1620. parta.*

BEATISSIME in Christo
Pater ac Domine, Domine
Clemētissime, post humillima bea-
torum pedum oscula. Respexit tan-
dem Deus O. M. Ecclesiam suam,
eiusque hostes debellauit & fregit,
illustri sanè victoria, quę iure meri-
to *Victoria Dei* vocatur. Ego quidē
& veni, & vidi, pugnæque præsens
fui, sed vicit optimus Deus, cui
omnē victoriæ titulum, gratissima

mēte, ex folido adscribo. Verè manus Domini nobiscum fuit, quæ hostem tam potentem, & loco tam munito sese opponentem deuicit. Nec sine singulari Dei prouidentia factum videtur, quod cum hoste congressi simus, ipso Sanctorū omnium octauo die, qui idē fuit cum Dominica 22. post Pentecostē, qua Euangelium ritu Romano prælegitur: *Reddite ergo Casari quæ sunt Cesaris.* Reddidit certè Palatinus Elector, quamuis inuitus; qui vbi cladem sui exercitus accepit, vnà cum cōiuge, Praga cessit, & vel hoc ipso Catholicum agmē vicisse professus est. In qua Dei victoria prorsus admiranda contigere. Hostis erat numerosus, nec veterani militis robore carebat: hunc etiā locus ipse fecit audacem. Nam in monte, vrbi Pragensi contiguo, instructissimam contra nos aciem direxit; & quam

quamuis ego, cum vniuerso exercitu, tota penè nocte iter fecerim, hoc solum fine, vt hostem assequi, & cum eo conflagere liceret, conflictus tamen initio admodum iniquus videbatur & impar, cum hostes in oportunissimo sibi loco, nec minus munito, facilem in nos pugnam sortiti essent. At demum præmissa deliberatione, ante omnia Deo fidendum, & ope diuina nitendum esse rati, ex iniquo etiam & inferiori loco hostem cominus aggressi sumus.

Videbatur quidem noster exercitus sub initium nonnihil nutare: sed mox resumtis animis & alacritate, iuit in hostes, & eos è monte profligauit, tormēta ænea maiora occupauit, omnibus aduersæ partis aut cæsis, aut in fugam actis. Ita dispersi fusique ad internecionem vsque deleti sunt: nec prius

destiterere nostri, quàm fuga dissipatos ad ipsam vsque urbem insecuti, varia in eos cæde grassarentur. Numerus quoque cæsum excreuit, vt plura millia interfectoꝝ numerarentur, cùm ex parte nostra vix centum desiderati; plures tamen læsi sunt. Præter tot ex hostiũ numero cæsum, aliquot capti, inter alios Principis Anhaltini filius natus maximus, qui etiam grauius læsus est, duo Comites, & plures Nobiles & Capitanei.

In eadem pugna, præter centum vexilla, decem quoque maiora curulia tormēta hostibus erepta sunt. Hungari, multis iam eorum prostratis, vt fuga se seruarent, in Moldam flumen sese præcipitarũt, tranaturi: sed mille circiter in aquis interiisse dicuntur. Et quidē pugna ad horam tenuit die, vt dictũ, octauo omnium Sanctoꝝ, qui sese de
suis

suis hostibus insigniter sunt vlti.
 Die sequenti, qui fuit nonus, quo
 celebratur dedicatio basilicæ Sal-
 uatoris, ciuitas Praga deditiois ad
 me misit litteras, se in Cæsaris po-
 testate post hac futuram.

Altero ab hoc die, tam vetus
 quàm noua Praga (est enim tripar-
 tita ciuitas) obedientiã Imperatori
 sine exceptione omni promiserunt.
 Hodie quoque regni Bohemici
 Status, Comites, Barones, & No-
 biles, crimen publicè deprecari,
 mihi nomine Cæsaris nouum ho-
 magium promiserunt, & confæde-
 rationibus omnibus, tam cū regno
 Hungariæ quàm aliis, initis renun-
 tiauerunt, ipsaque confæderationũ
 instrumenta ad meas manus tradi-
 derunt. Itaque in hoc anno, Deo soli
 laus, Austria superior omnis Cæsari
 subiecta, inferior tranquillata & ab
 hoste liberata, & complures Bohe-

miæ tam vrbes quàm arces captæ,
ante Pragam hostilis exercitus
profligatus, Praga occupata, & Sta-
tus Regni Bohemiæ in Imperato-
ris fidem & obsequium reducti.

Hæc Sanctitati Vestræ cōpendio
narrare, simulque Ecclesiæ Rom.
gratulari par erat. Interim Sancti-
tati Vestræ submissè & plurimùm
me commendo, atque ad pedum
osculum reuerenter submitto. Da-
tum Pragæ, die 12. Nouēbris 1620.
Sanctitatis V. deuotus, & obsequē-
tissimus filius & seruus Maximi-
lianus.

C A P V T X I V.

*Pauli V. Papæ Epistola responsoria
ad Maximilianum Bavarie
Ducem.*

DILECTO FILIO, nobili vi-
ro, Maximiliano Duci Ba-
uarie,